



Aatsitassanut Naalakkersuisoqarfik
/Nuuk

asn@nаноq.gl

Nuuk, 28. juli 2021

Uranimik misissueqqaarnermut, ujaasinermit piiaanermullu inerteqquteqarnissaq pillugu Inatsisartut inatsisissaannut siunnersuummik tusarniaaneq

Matumuuna tusarniaaneq qulaani taaneqartoq pillugu Inuit Issittormiut Siunnersuisoqatigiivisa (ICC) oqaaseqaataat apuupparput.

Inatsisissatut missiliuutip oqaasertaasa annertunersaat isumaqatigalugit nalunaarutigissavarput, immikkullu imaattunik oqaaseqarfigerusullugu:

- 1) ICC-p uranimik (*radiullu qinngornerinik qinngornernillu ulorianartulinnik allanik akulinnik*) ujaasinermit piiaanermullu inerteqquteqarniarneq isumaqatigaa. Tamanna pingaartumik avatangiisit illersorniarlugit Nunattalu uranimik tunisassioortutut ilisimaneqalernissaanik aarleqquteqarnermik tunngaveqarpoq.
- 2) ICC isumaqarpoq misissueqqaarnermi nunaminertap qaarsulluunniit akuisa tamarmik suunerinik paasisaqarnissaq siunertarineqartoq, nunaminertallu qaarsulluunniit akui suugaluanersut tamarmik nalunaarsortariaqartut. Piiarneqarnissaat tunisassiarineqarnissaallu inerteqqutigigaluarlugi, ICC isumaqarpoq pingaaruteqartoq misissuiffigineqartup sunik nassaarfigineqarsinnaanerani ilisimasaqalernissaq pingaaruteqartoq. Tamanna inatsisissatut siunnersuummi qulakkeerreqarsinnaassasoq neriuppugut.
- 3) ICC-mi pingaartinneqarpoq aatsitassarsiornermik ilisimasalinnik misilittagalinnillu nunatsinniit nunanillu tamalaaneersunit inuttalersugaasumik, Naalakkersuisunut siunnersuisussatitaasussanik pilersitsiniarneq piviusunngortittariaqartoq. Taakku ataavartumik periutsit, avatangiisit, niurneq il.il. siunnersuisassapput, aamma Inatsisit siunertamut naapertuunnersut nalilertassavaat, allannguissarlu pisariaqartutut nalilerneqarpat tamanna apuuttassallugu. Pingaaruteqarpoq siunnersuisussatitaasussat naalakkersuinikkut pituttorsimanginnissaat.
- 4) Qulaani taaneqartut saniatigut Kuannersuarni aatsitassarsiorniarneq pillugu tusarniaanermi ("Kuannersuarni aatsitassanik qaqutigooortunik piiaanissamik suliniutaanut atatillugu VSB-mut aamma VVM-mut nassuiaatit tusarniaassutigineqarnerat") ICC-p aamma Savaatillit Peqatigiit Suleqatigiissut ataatsimoorlutik oqaaseqaasiaat innersuussutigissavarput.



Inussiarnersumik inuulluaqqusillunga

Hjalmar Dahl

Hjalmar Dahl, Siulittaasoq

Inuit Issittormiut Siunnersuisoqatigiivi (ICC), Kalaallit Nunaat